


讀書錄 七八 四



漢書門			
二	五	一	六
九	二	一	六
冊	架	函	號

內閣文庫		
九	二	五
一	九	六
函	冊	號

內閣文庫	
番號	漢 2516
冊數	9 (4)
函號	299 61

共九本



淺草文庫

讀書錄

卷之七

薛文清公全集卷之七

孟子七篇迺洙泗之正傳經千餘載世儒例以子害
 視之而無知之者獨唐之韓子謂孟氏醇乎醇者
 也又曰軻之死不得其傳焉又曰求觀聖人之道
 必自孟子始又曰孟氏之功不在禹下是則千載
 之間知孟子者韓子一人而已宋之大儒有德業
 聞望重於一世者猶擠孟子於法言之後尚何望
 於他人邪惟河南程夫子倡明絕學始表章其書
 發揮其指而一時及門之士遂相與翕然服膺其
 說天下始曉然知其為洙泗之正傳而不敢妄議



讀書錄卷七

薛

至朱子又取程氏及群賢之說會萃析衷以釋其義與論語大學中庸列為四書由是洙泗之正傳益以明倫千古入道之門造道之間無越于此矣有志者尚焉所力也

六十四卦三百八十四爻一陰陽也一太極也太極本無極也

願外實中虛願頷之象

人渾身統體一太極耳目口鼻四肢百骸五臟毛竅各具一太極

先天圖左半屬陽故乾健兌說離明震動四卦之德

皆陽右半屬陰故巽入坎陷艮止坤順四卦之德

皆陰此雖先儒所未言竊意其如此

四百年之漢文帝培其本三百年之唐太宗養其根

三百餘年之宋太祖太宗真宗仁宗浚其源秦晉

隋皆不一再傳而遂亡者由無恭儉之君培養浚

導其源于前即繼以中殘暴淫侈之主也

漢高祖之後非得文景之養民即繼之以武帝之多

歆則漢之存亡未可知也唐高祖之後非得太宗

之富民即繼之以高宗之昏懦則唐之存亡未可

知也大抵漢唐之所以延綿國祚者率由此數君

有以立其本耳

程子曰人能克己則仰不愧俯不怍心廣體胖其樂可知竊意顏子之樂亦如此

孟子七篇托始于仁義誠能默識而旁通之則全書之旨不外是矣

釋氏出世滅倫以為潔正猶陳仲子辟兄離母以為廉也是安可以其小者信其大者哉

康節見盛衰之際甚明
康節首尾吟多盛極慮衰之意

聖人當盛時即憂衰時既濟曰初吉終亂

纔有私便不能推所以為不仁

仁義禮智信有則一齊有但各有所主耳如仁主於

愛愛莫大於愛親然知所當愛者知也愛得其宜者義也愛有節文者禮也愛出誠實者信也以至

事君從兄之類無不皆然

日用間身心切要道理只是仁義禮智之性發而為惻隱羞惡辭讓是非之情隨事隨處必體認得

了分明方為見道而無行不着習不察之患矣
氣機無須臾之止息如雲在空中飛揚上下浮游往

來萬起萬滅頃刻不暫停止亦可見其一端

動靜兩端雖相因無窮竊謂動意常多泛觀萬物若
草木山石之類皆靜植不動而生意常流行其間
雖秋冬翕寐閉藏之餘而生意未嘗毫髮間斷故
竊謂動多於靜也

觀易橫圖見生意之無窮

一身萬物皆天地公共之器非已所能私也

勿恃其不攻恃吾有所不可攻非特兵法為然蓋可

以為防小人之法

原始反終只是一理故知生則知死矣

原始而知其來者如此則反終而知其往也亦如此

死生非有二致也

原始而知其來也自無而有則反終而知其自有而

無也必矣人惟不知原始反終之理故舉俗為異

端惑

觀雲亦可以知生死之說倏然雲聚而有形者猶精

氣為物也倏然雲散而無迹者猶遊魂為變也精

氣為物者自無而有遊魂為變者自有而無

原始而精氣成物神之情狀生之說也反終而遊魂

為變鬼之情狀死之說也

勅天之歌喜起熙為韻阜陶賡歌明良康為韻脞愔

墮為韻先儒謂此乃三百篇之權輿良是
古人論治必本末兼舉如臯陶陳謨首曰允迪厥德
本也謨明弼諧末也及帝問其詳則曰允迪厥德
身脩思永惇叙九族皆允迪厥德之事庶明勵翼
皆謨明弼諧之事適可遠在茲則通言上文之效
臯陶謨典禮刑賞四者萬世為治之大經不出於此
先儒謂知人安民臯陶一篇之體要竊謂允迪厥
德又知人安民之本源也蓋允迪厥德者實踐此
德於身也至若知人之事安民之事則皆此
德之推行耳苟非實踐此德於身則私欲盛而天

理微知人之智何自而明安民之仁何自而行
故曰允迪厥德又知人安民之本源也
動多靜少故地對天不過
地無根附于天耳
歐公本論由韓公明先王之道以道之一語以立意
也
韓子原道篇中歆治其心而外天下國家之語深中
異端之病老聃二家皆務潔其身清其心棄絕倫
理而不恤正韓子所謂歆治其心而外天下國家
者也

左右之言不可輕信必審其實

僮僕姑取其給使令之役耳切不可聽其言恐大有

害於事

為政通下情為急集衆人之耳目為一已之耳目方

可

命仁義禮智信言之統體一太極分仁義禮智信言之各具一太極也

凡詩文出于真情則工昔人所謂出于肺腑者是也

如三百篇楚詞武侯出師表李令伯陳情表陶靖

節詩韓文公祭兄子老成文歐陽公瀧岡阡表皆

所謂出于肺腑者也故皆不求工而自工故凡作詩文皆以真情為主

小學只一性字貫之卒教者所以教此也明倫者所

以明此也敬身者所以敬此也

以言乎遠則不禦大而無外也以言乎近則靜而止

小而無內也

記曰君父之仇不共戴天只是天理人心自不能已

而死生存亡非所計也如宋之高宗父兄宗族皆

為金人所虜甚至辱及陵寢以大義言之只當以

不共戴天為心而求所以必報其仇至於死生存

亡非所當計也。若區區為自全苟安之計，則必不
能伸木義于天下矣。秦檜所以得售其講和姦謀
者，正以高宗自全苟安之心，有以乘之也。嗚呼可
恨哉！

湛然純一之為齊肅然警惕之謂戒。

程子曰：聖人以此洗心，退藏於密，以此齊戒，以神明
其德夫。

韓文公元和聖德詩終篇頌美之中，多繼以規戒之
詞。深得古詩遺意。

愛民而民不親者，皆愛之不至也。書曰：如保赤子，誠

能以保赤子之心愛民，則民豈有不親者哉！

聖人為治，純用德而刑以輔之。後人則純用法術而
已。

不明理者，冥行而已。

一陰一陽之謂道，即張子所謂陰陽兩端循環不已
者。立天地之太義，繼之者善也。成之者性也。即張
子所謂游氣紛擾，散而成質者，生人物之萬殊。但
是則言雖殊，而其致一也。

參同契全，是先天圖對氣方位，流行朱子所謂太易

圖象隱者隱於此類可見

萬物各具一理物物各具一太極也萬理同出于一
原萬物統體一太極也

勅夫之歌正太小雅之權輿也五子之歌變風變雅
之權輿也讀五子湯誓秦誓諸篇則知唐虞之盛
為不可及矣風氣日降不可返矣

今天地萬物人皆知之而所以為天地萬物則人莫
得而知之也如欲知之是所謂誠歟道歟理歟命
歟性歟帝歟神歟鬼歟太極歟其極一而已矣
無所為而為者誠也有所為而為者偽也誠者不息

偽者易輟

克己之目動兼視聽言三者

須看無物之先其理如何

先儒梅根指太極姑舉一物而言耳如一草一木一
人一事一塵一介安往而不可指太極哉

章出天地萬物理象數以示人者六十四卦也

一生二就數上說太極生兩儀就理上說余在黔中

士說書余謂之曰一字尚不能識

既覺得此語遂中夜燭下畫之
天地之化無日不變因在黔中觀柑實初極青日漸
至于黃色人之少而壯壯而老亦如此但變之漸

而不覺耳

以誠感之者人亦以誠應以詐御之者人亦以詐應
 木火土金水之質在我為肝心脾肺腎木火土金水
 之神在我為仁義禮智信之德萬物備於我舉此
 亦可見
 至而伸之神反而歸之鬼天人一也
 天道屈伸兩端而已
 氣合精凝為神遊魂降魄為鬼
 鬼者一往而不復觀天地之化可見
 自頂次及踵皆天之所與但當順天而已

一本萬殊萬殊一本之理開眼便見

一物各具一太極之中又有統體各具者存焉如
 一人各具一太極也一人之身心又統體之太極也
 五臟百骸之理又各具之太極也一草一木各具
 一太極也一草一木之根幹又統體之太極也枝
 葉花果又各具之太極也萬物莫不皆然
 天下無無理之物無無物之理
 誠者統體之太極也元亨利貞各具之太極也
 元亨利貞春夏秋冬木火土金水仁義禮智信君臣
 父子夫婦長幼朋友青黃赤白黑鹹苦酸辛甘天

命又性五常四時五行五色是皆所陰陽
於春曰元於夏曰亨於秋曰利於冬曰貞其命一也
不在父子曰仁在君臣曰義在長幼曰禮在夫婦曰
智在朋友曰信其性一也
程子曰始比不以道際於終者多矣故結交貴乎謹
始
宣德六年十月七日自夜余在辰夢程夫子遊水
程夫子論朱文公大程夫子贊曰揚休山立之語
不若中和獨立因記于此

物惡太過自造化尚然况人事乎
人之饗用當各量其分薄功而厚饗鮮不仕矣錦衣
玉食古人謂惟辟可以有此以其功在天下而分
野當然也世有一介之士得志一時即侈用無節
甚至袒衣皆綾綺之類宜其顛覆之無日此余有
目覩其事者可為貪侈之戒
不欺君自不欺心始
日載月魂載魄載乃加載之載朱子於楚辭辯之詳
矣
吾心誠志于學天其遂吾願乎

正以處心，廉以律已，忠以事君，恭以事長，信以接物，寬以待下，敬以處事，居官之七要也。

謙以自牧，安往而不善。為吏不可一事首且如文移之類皆當明白。凡所為當下即求合理，勿曰今日姑如此，明日改之。一事為其餘無不為矣。

未有逆理而能久者，間有之，所謂枉之生也。幸而免，聖賢之言如著龜言吉則吉，言凶則凶，或不然者，但有淹速耳。時下通塞不足為欣戚，要諸久而後見。

人當自信，定見明，自信篤，可以處大事。衆曰然而有不然者，衆曰不然，而有然者，惟理明者能知之。十之九皆然，而有一不然者，則非也。

婦人女子之言不可聽，余見仕宦之人多有以是取敗者，不可不以為戒。

忍所不能忍，容所不能容，惟識量過人者能之。嘗過一獨木橋，一步不敢慢，惟恐蹉跌，墜失人之處。世每事能畏慎如此，安有失者。

善惡分明，有降祥降殃之報，間有不然者，非常理也。河水解者，非自上消也，由陽氣自下而上騰也，故時

至三陽之月則陽氣上達而河水畢解矣
上交誦者人多有此失蓋事上必恭為主恭之過則
不覺有諛之之意是即所謂諛也
舜好問而好察通言又須體此
非請問於下民忘其勢而通下情也
遇橫逆之來當思古人所處有甚於此者則知自寬
矣
行有不得于外皆當反求諸己求諸己者無不盡善
而猶或有不得者蓋安于命而已
唐人詩曰足知造化力不及使君需吾有取焉

理自不可泯所遇稍有識者皆能言天理但真知而
萬信者少矣
春秋於災異不言事應而事應具存見天人合一之
理
天命甚微聖人所罕言春秋多言之皆微其辭
款事之合理誠難但細微處一一能謹或少過舉矣
凡事既濟則盛極而有悔故大象曰思患而豫防之
寒中有一半陽暑中有一半陰此造化相攙接處故
治不生於治而生于亂亂不生于亂而生于治
康節曰思慮未發鬼神莫知不由乎我更由乎誰人

能慎所發于將發則無悔矣
以其能治不能以其賢治不賢設官之本意不過奸
此有彼官威利民以自奉者果何心哉
一不容二邪正不兩立
去弊當治其本本未治而徒去其末雖衆人之所
不快而賢知之所深慮
觀野馬而知化機之無息特氣紛擾野馬是也
禮入不容谷只當反其敬
為人謀而不忠非仁也
不為人非笑而易其所守

九深藏者必重器而顯露者必賤物
萬物皆氣機之所為
人皆長意於名位之顯榮而固有之善則無一念之
及其不知類也甚矣
不怨天不尤人此語當自勉
不欲無涯不以禮節之莫知所極矣
戲謔甚則氣蕩而心亦為所移不戲謔亦存心養氣
之一端
四月六陽全而陰已生陰非至此始生也蓋自三月
五陽一陰之時而姤之初爻已抵于夫之下矣先

儒謂陰亦然者正謂此耳
名利關誠實難過上蔡所謂能言如鸚鵡者真可畏也

人能自信則富貴貧賤窮通有不能累矣

人開口皆能談禮義論名節及見利必趨見勢必附

又不知禮義名節為何物也

恭而和處衆之道

積誠而人不感者未之有也

機事不密則害成易之太戒也

即人言可以見所養之淺深

知進退存亡而不失其正子房庶幾焉

不為衆譽而加喜不為衆毀而加戚其過人遠矣

浮華擾擾浮雲之過目耳

君子窮以義達以義窮達皆天理也小人窮以利達

以利窮達皆人欲也

有鳳凰翔于千仞之氣象則不為區區聲利所動矣

君子志于道小人志於利利與義之間不能以髮

聽言觀行知人之良法

君子浩然之氣不勝其大小人自滿之氣不勝其小

道大無對故游於聖人之門者難為言

小人之人。深用即用。漫不知行其所無事。以誠而感人者。人亦以誠而應。以術而欺人者。人亦以術而待。觀漢初君民可見。

禮樂至于棄本尚末。乃周衰之弊。况末猶不得其正乎。意弊也。又矣。

聽言即可以知人之失。如好色者。開口即論女色。好貨者。開口即論貨財。他皆類此。至于匿情而言正者。又當徐察其行可也。

世人聞人論道學。不非笑之。以為狂。則憎惡之。以為矯。噫。使學不學道。則所學果何事耶。

人知天地萬物為一體。則薰然慈良惻怛之心。有不覺而自發于中者。

靜能制動。沉能制浮。寬能制褊。緩能制急。貧而無怨。難富而無驕。易宜深體之。

富莫富于富有。大莫大于無方。拘于物者。不足以語此。

惡流之濫。而決其防。未見其能止也。一念之欲。不能制。而禍流于滔天。

友正真者。日益。友邪柔者。日損。醉于欲者。汲汲如狂。而心莫知所止矣。

讀書錄卷之二

五

為善勿怠，去惡勿疑。忠信積矣，而後效見。私欲盡而惻隱之心見。熟于小知自私者，不足以語大道。滿腔子惻隱之心，即藹然天地生物之心。傲則仰，慙則俯，邪則欹，正則平。恭而不近于諛，和而不至于流，事上處眾之道。被髮而祭于伊川，與辛有之歎，非知幾之君子，孰能與于斯。誠意乎？子未言之前，則言出而人信之。

氣機之運，必無差爽，但其理微，而人自不察耳。君父人之大倫，只當竭誠敬，蓋所以事之之道，其合與否，有所不恤也。苟慮其不合，枉道以求之，則所失者多矣。交朋友，事官長，皆然。蕭何廣市田宅，以自污，猶于剪伐楚，請美田宅，甚眾之意，漢初君臣以術相持，此亦可見。一縷之內，而萬蟻啣之；一勺之水，而萬魚吸之。其歎，可乎？人有滿于得意，而不覺形于色詞者，則其所養可知矣。

作事快心必慎其悔益消息循環自然之理持之有道則雖亢而非滿矣

心有毫髮所繫即不得其平天道甚可畏感于此則應于彼但有滄速不同耳

揚子曰後世有如揚子雲者必好之矣其之自信亦

然人之好諛非特言語為然也而文辭尤甚也素無實

德實才而悅人作文辭以諛己而作文辭者又極

口稱譽之彼以諛求此以諛應文詞之弊孰有甚

於此乎

士無氣節則國勢奄奄以就盡西漢之季是也

士之節氣全在上之人獎激則氣節盛苟率軟熟之

士而惡剛正之人則人務容身而氣節消矣

事貴審處古人謂天下甚事不因忙後錯了真名言

也

高深遠近皆是天但以青而在上者為天衆人之見

也

患得患失之心推其極不仁之甚者也

廉而不公者只是人欲之私

世之廉者有三有見理明而不妄取者有尚名節而

不為取者有畏法律保祿位而不敢取者見理明而不妄取無所為而然上也尚名節而不為取猶介之士其次也畏法律保祿位而不敢取則勉強而然斯又為次也

操得其要則不待深懲重賞而人自化于廉孔子曰苟子之不故雖賞之不竊

方圖圓圖橫圖竒耦皆相對

韓子曰澄其源而清其流統于一而應于萬可以形容道體

人能弘道見氣強而理弱

贈言以名位期人不若以德業勉人

先儒謂天包地外竊謂不但包乎地外實行乎地中是則上下內外皆天也

吾意天地一終之時昏暗之極未必便得開明如一日之暮可見但動靜之機未嘗息又則漸次開明

矣一時之末一月之暮一月之晦一歲之暮一元之終皆氣化之息也但久速之不同耳

復為動之始乾為動之極姤為靜之始坤為靜之極靜極復動動極復靜循環無端非知道者孰能識

之復之初爻自坤之初爻來姤之初爻自乾之初

又來陰陽互根此亦可見

氣正則生人亦正氣偏則生人亦偏如中國夷狄可

見

左氏多有言過其實者昌黎所謂浮誇是也

春秋時尚辭命而文過其實者多然亦可以觀世變

矣

左傳所論是非一一有吉凶成敗驗于後豈盡然乎

天開于子山水之原皆在西北故坎艮居之

左氏極有膚淺者只是理不明

守伯曰恬其雋也而不以茂德滋益罪也此可以為

後生輕後考之戒

君子語大而天下莫能載語小而天下莫能破須要

真見漏不能載不能破處

左氏論故處多亦是先王之教有未泯者

大學之至善論語之一貫孟子之性善中庸之誠用

步之木極言雖殊而其義一也

聖賢垂世立教之意本要欲人復其性而已而後之

學者讀聖賢之書但資以為詞章之用利祿之階

而不知一言之切于身心聖賢垂世立教之意果

何在哉

楚辭載管輅之載與漢史從與載之載揚子載魄之
載韓子畫記以孺子載之載皆加載之意朱子論
之詳矣
讀書之久見得書上之理與自家身上之理一契
命方始有得處
中庸一書皆性情之德而所謂誠者即此德之實也
微而草木大而陰陽造化盛衰之理一也
余所視誠有惻然不忍者非強然是所不能已也
程子常書視民如傷四字于坐側曰某於此有愧太
賢尚然後之臨民者當何如哉

人能心在腔子裏則百事可精
所處之地雖靜而心飛颺于外亦不得靜也惟身在
是而心亦在是則不擇地而靜矣
一切外事于己本無干涉而與之擾擾俱馳是所以
為心病也惟知止則心自定矣
莊子人間世篇揣摩之術也
有所自樂則不為外物所移
見理明則遇事迎刃而解
下臺省察之不至即處事失宜而悔吝隨之不可不
慎

處事當沉重詳細堅正不可輕浮忽畧故易多言利
艱貞蓋艱貞則不敢輕忽而必以正所以吉也
天道只是往復而已觀否泰剝復之類可見
感應之理于先天圖見之
陰陽迭勝無須更止息
太極動而生陽且從動處說起其實動自靜中來觀
右半陰中之陽可見靜又自動中來觀左半陽中
之陰可見程子所謂動靜無端陰陽無始張子所
謂陰陽之精互藏其宅者于是可見
孟子之書齊梁諸國之君皆稱謚則成于後來弟子

無疑

易之為教大槩欲人敬慎雖吉事亦不敢易而為之
如太柱乃陽壯之事占者吉身不言可知而必曰
利貞是即敬慎之意
晝夜昏明居半天地開闢亦如之以元會運世觀之
天地開闢各有一半昏明即如晝夜可見
氣無涯而形有限故天大地小地于天中一毫毛耳
以言乎遠則不禦以言乎通則靜而正以言乎天地
之間倫矣即為飛魚躍之意
乾一而實故以質言而曰大坤二而虛故以量言而

曰廣至哉言乎

反身而誠最難事反身而誠則實有諸已矣
形而上者謂之道隱也形而下者謂之器費也
形而上形而下道器元不相離舉目皆是
曾子曰戰戰兢兢如臨深淵如履薄冰君子之守其
身可不謹乎

必使一言不妄數則庶乎寡過矣

聖人言學易可以無大過此非設言也蓋必有已所
獨得而人不及知者焉

聖賢工夫步步着實如莊子之學儘說得只是不善

實

小人不知義理或名或利九可以苟得者無不求之
一故神兩故化近觀之人身遠觀之天地無不盡然
無行可悔則德進矣

天下大慮惟下情不通為可慮昔人所謂下有危亡
之勢而上不知是也

聖賢以義制心得志與天下由之不得志獨行其道
出處進退富貴貧賤視之如一初不以動其心小
人則不然方血氣盛時據位持勢真若剛強不屈
者及血氣既衰去位失勢悲感涕淚早屈為賤之

態靡所不至由無義以制心也
 珠藏澤自媚玉蘊山含輝此涵養之至要
 鄭游言九言曰無始亂無怙富無恃寵無違同無傲
 禮無驕能無復怒無謀非德無犯非義切謂九言
 之中無犯非義無傲禮二言足以盡蓋其餘
 范武子曰喜怒以類者鮮易者實多此名言也
 左傳曰思其終也思其復也思其反也蓋人能每事
 即始而慮終則必無悔吝之及矣
 詩三百篇天道人事無不備
 人只為耳目口鼻四肢百骸做得不是壞了仁義禮

智信若耳目口鼻四肢百骸做得是便是仁義禮
 智信之性詩所謂有物有則孟子所謂踐形者是
 也
 程子曰文明則能燭理故能明大同之義剛健則能
 克己故能盡大同之道
 晉伯宋每朝其妻必戒曰盜憎主人民惡其上子好
 直言必及于難宗伯不能用後果為三都讎而殺
 之
 正風未幾而變風繼之平大小雅未幾而變大小雅
 繼之否泰治亂之相尋理之必然也何足怪哉

不_レ伎_レ不_レ求_レ可以_レ為_レ守身之法_レ國風至於_レ小雅至於_レ鴻臚大雅至于_レ民勞皆泰極而否陰陽相根之理微矣

天地間無物無陰陽偶讀韻書其平聲者陽也側聲者陰也

詩一經性情二字括盡

關雎之類言夫婦鹿鳴之類言君臣唐棣之類言兄弟蓼莪之類言父子黃鳥之類言朋友此詩于_レ人倫之道無_レ不_レ備也

不欺君不賣法不害民此作官持已之三要也

讀_レ平風平雅則心樂讀_レ變風變雅則心不_レ樂者好_レ善惡_レ惡_レ之真情

為政當有_レ張弛張而不弛則過于_レ嚴弛而不張則流於_レ廢一_レ張一_レ弛為_レ政之中道也

本景讓母鄭氏曰士不_レ勤而祿_レ賞_レ災_レ其身雖婦人之言亦可以_レ為_レ居官怠職者之戒

一五行之疇于_レ入疇無_レ不_レ也誠以_レ五行一_レ陰陽也陰陽一_レ太極也太極本_レ無極也天下之理豈有_レ出于

無極太極之外者哉其旨深矣勢屈于_レ匹夫義不_レ勝_レ也

行有不得反之于己使行之是則得不得有命已何
與焉使行之非即當改之不可執其非以求勝于
人也

或曰人有慢已者何以處之曰使已有可慢之事則
彼得矣已無可慢之事則彼失矣失得在彼已何
與焉此先儒之論重書以為警

好勝人之大病

富貴易至溺人可不謹哉

節儉朴素人之美德奢侈華麗人之大惡

人有不及者不可下以已能病之

人遇拂亂之事愈當動心忍性增益其所不能所行
有窒碍處必思有以通之則智益明

統天地萬物為一理所謂理一也在天有天之理在

地有地之理在萬物有萬物之理所謂分殊也理

一所以統乎分殊分殊所以行乎理一非有二也

如人一身之理理一也四肢百骸各具之理分殊也

理一統乎分殊之中分殊不在理一之外

本然之性理一也氣質之性分殊也

纔自有其能便為心累如顏子雖簞瓢陋巷不改其

樂在顏子之心則未嘗自以樂為能也

有此理則有此物及有物則理又在物中以不雜者言之謂之本然之性以不離者言之謂之氣質之性非有二也

人莫不飲食也鮮能知味也人莫不有道也鮮識其真也

造化非陰即陽人事非柔即剛

動靜雖屬陰陽而所以能動靜者則太極之所為也如寐感雖屬人心而所以能寐感則性之所為也太極圖解下朱子語錄論道器曰如這人身是器語言動作便是人之理竊謂此或記者之誤蓋人身

與語言動作皆是器也人身語言動作之則乃理也若指人之語言動作為理則是認氣為道昧于形而上形而下之別矣故此言或記者之誤也萬物各受此理如衆水各受此日光但物之清者受此理則理亦明物之昏者受此理則理亦昏昏非理昏也由物之昏蔽之也如水之清者受此日光則光亦明水之濁者受此日光則光亦暗暗非光暗也水之濁以淆之也以此是觀之則性本善而無一惡可知其惡者皆氣質之拘也人于動處難得恰好纔動便有差所以發而中節為

難也

人皆有此理聖人與塗人同聖人有耳目鼻口之理
塗人亦有耳目鼻口之理聖人有心肝脾肺腎之
理塗人亦有心肝脾肺腎之理聖人有君臣父子
夫婦長幼朋友之理塗人亦有君臣父子夫婦長
幼朋友之理但聖人稟得氣質清粹故能全盡此
理衆人稟得氣質昏敗有不能全盡耳
將欲翕之必固張之將欲弱之必固強之將欲廢之
必固興之將欲奪之必固與之是皆竊春夏之闔
而為秋冬之闔程子所謂老子竊弄闔闔者以此

乾始能以美利利天下不言所利大矣哉如堯舜利
世之功大矣而其心則曷嘗自以為大哉使有一
毫自大之心則與乾始利天下不言所利不同而
非所以為堯舜矣

人之一呼者太極動而陽也一吸者太極靜而陰也
吸為呼之根呼為吸之根即陰陽之一動一靜而
互為其根也以至一語一默無不皆然則太極陰
陽之妙又豈外于一身哉
近海斥鹵而地氣亦薄故生物不暢茂觀山東海豐
諸邑林木稍長即枯悴可見

一理也。得之為天，得之為地，得之為萬物。道無聲之可聞，無形之可見，惟因夫形而下之器，默識夫形而上之理，則謂之見道。非若天地萬物，真有形之可見也。

天不以隆冬太寒而息其生物之機，絨人不以熟寢太窳而息其虛靈之知覺。

人心至為神明，如來自將早作，今夕雖熟寐之甚，及至其期而自覺。

人惟一心操之為君子，放之為小人。

自古興亡治亂之幾，皆由于心之存亡。

一念之差，貽患生靈，有不可勝言者。如漢武只因欲得西域善馬，甘心喪師，不悔及二師再舉西伐，僅得善馬數十疋，而還是以數十疋馬易萬人之命。又且作歌被之，聲樂誇耀祖宗，其為不仁甚矣。原其本，只由一念之差耳。

如來且將早作，而中夜屢寐，屢寤，警惕不安者，心之神明使然也。

滿眼皆實理，而人不之信。釋氏持一偏空說，舉前古之人，皆為所惑，何哉。

身體髮膚受之父母，不敢毀傷，人之大孝也。夫婦配

偶所以承先世之重延悠遠之緒人之大倫也釋
氏乃使人翫其髮絕其配不孝絕倫之罪大矣
莊子曰奉宇定發乎天光言心定則明也
聖人順天理而盡人倫釋氏逆天理而滅人倫
雖上知不能無人心聖人所謂無欲者非若釋氏盡
去根塵但人心之得其正者即道心以其不流于
人欲之私所謂無欲也
造化只是陰陽五行人道只是健順五常皆實理也
知者鮮矣
聖人一片實心種種道理皆從此出

無有大于理氣者

作聖作狂此心一轉移耳

中庸引詩曰上天之載無聲無臭即無極而太極也

莊子曰詩以道志書以道事易以道陰陽春秋以道

名分先儒謂莊子是太秀才觀此可見

張子曰一故神神即太極也或者謂太極不會動靜

則神為無用之物矣豈所以為造化之樞紐品彙

之根柢哉

只一箇太極行乎陰陽五行男女萬物之間無所不

在

盆成括小有才而不知君子之大道適足以殺其身
蓋人知大道則明于進退存亡吉凶消長之理必
不至于輕率逞才妄為以取禍也

視其色在目而知其色之理在心聽其聲在耳而知
其聲之理在心食其味在口而知其味之理在心
聞其香在鼻而知其香之理在心此心所以為一
身之主宰也

天人一理故致中致和無不感通
耳目口鼻各專一事而心則無不通
耳順則聲入心通目明則物接理見

莊子曰：生物以息相吹息是人呼吸之息九萬里之
氣亦是此息相吹則人之氣名和名炎可知矣
七竅鑿而混沌死七情熾而天理亡之譬也

舉四海九州生民之氣無不和則自是以感陰陽之
和舉四海九州生民之氣既乖則亦是以感陰陽
之異此理之必然也

固不可假公法以報私仇亦不可假公法以報私德
物各具五行之色如天地有五方土石有五色雲氣
有五色之類是則萬物豈出於五行之外哉
下民之寃不伸者由長人者之非其人也

為官者切不可厭煩惡事苟視民之冤抑一切不理
曰我務省事則民不得其死者多矣可不戒哉
下命之士苟存心於愛物必有所濟蓋天下事莫非
分所當為凡事苟可用力者無不盡心其間則民
之受惠者多矣
昔人謂律是八分書蓋律之條目莫非防範人欺扶
翼天理故謂之八分書
慎言謹行是脩己第一事
人之所為不犯律條即為義犯之即為非義則律為
八分書可見

余一夕夢先人告余曰慈溫良潔非有所警乎
心口如一為忠信心口不一非忠信也
只甲勿念之豈有差乎
天下至貴者道得之則生失之則死為天下至貴不
亦宜乎
偶讀醫書有曰洗心曰齋防患曰戒吾有取焉
乞墻之富貴恬不知耻可惟也夫
責人當反求諸已
釋氏本自潔其身紛紛之信皆其徒附會之也
道家者流如老子道德經是也如符錄科儀禳昇黃

白之術皆後人附會為道家之事道德經豈有是
哉

朱子于吾無隱乎爾章以作止語默無非教也釋之
蓋作與語屬動陽之鼓也止與默屬靜陰之為也
動靜陰陽昌莫非是道之著至于動而靜靜而復
動循環無端則又道之至妙至妙者也其示人之
意豈有顯而可見哉

曾點之鼓瑟希鏗爾舍瑟而作對曰異乎三子者之
撰其動靜從容者此理也莫春者春服既成冠者
五六人童子六七人浴乎沂風乎舞雩詠而歸者

亦此理也是則人欲盡處天理流行隨處充滿無
少欠缺安往而不然哉

聖人一身動靜無非仁義禮智之德元乎中而發乎
外其示人可謂無隱矣

認得為已何所不至此言當深玩味體認
不懼無告不廢困窮聖人之仁也
勿以小事而忽之大小必求合義

法立而行則人不翫
事合義雖大不懼不合義雖小當謹
道有正有邪德有凶有吉此韓子所謂道與德為虛

位也。

氣質之蔽最深。民不可使知之。是皆蔽之深。不能解以開其識也。如佛老之教。分明非正理。而舉世趨之。雖先儒開示精切。而猶不能祛其惑。是皆氣質蔽之深也。

偶一事發。不中節。終夕不快。

命性道教。只是一理。

臨屬官公事。外不可泛及他事。

不仁者。不可久處。約不可長。處樂。朱子釋之。謂不仁之人。失其本心。久約必濫。久樂必淫。濫即為貧賤。

所移而更其節也。淫即為富貴所淫。而蕩其心也。若貧賤不能移。即仁者能久處約矣。富貴不能淫。即仁者能長處樂矣。孔孟之言。互相發明如此。

讀書錄卷之八
明子於讀書之法... 未嘗知不足... 此等語... 亦未嘗知不足... 亦未嘗知不足... 亦未嘗知不足...


讀書錄卷之八

薛文清公全集卷之八

所謂知幾者於事未形着而識其微也非聖人其孰能之

凡禍患伏于無形之中惟聖人則知幾而防之於未然故能消其禍衆人不知幾而圖之于已着則已無及矣

迷於利欲者如醉酒之人不堪其醜而已不覺也耳目之聰明為魄魄者形之神也口鼻之呼吸為魂魂者氣之神也人有許多聰明知識者魄之為也有許多呼吸運動者魂之為也



老之欽明峻德以至黎民於變時雍舜之慎微五典
以至烈風雷雨弗迷與孔子之立之斯立道之斯
行緩之斯來動之斯和皆聖人作用神速功效
史臣首叙老舜禹之事有乾坤之道焉老曰欽明舜
曰重華禹曰祗承則老舜為乾禹為坤可見帝降
而王殆以此歟
後人不知个臣之道但得高官厚祿即有自滿之色
觀臣克艱厥臣及為臣不易之語祿位果可自滿
乎
動而不息者陽魂也靜而有識者陰魄也

夜氣如泉源清之數亦不能清矣君子所以貴乎存
息也
仁是嫩物譬之草木嫩則生老則枯
寐而感虛而實此吾儒與釋子不同處
變化無須更之止息
自不知其所以然而然者造化也
天地之大德曰生無間斷無空缺
知而不仁如老莊之流是也
靜中之識曰魄動中之靈曰魂
草木之敷榮暢茂者神之迹其凋落枯悴者鬼之迹

知至至之窮理也。知終終之盡性。以至於命也。

朱子曰。誠之有物。不待形而有。蓋雖冲漠無朕之中。

而萬象森然。已具矣。

理義之心。不可少有間斷。孟子所謂無忘是也。

心斯須不存。即與理義背馳。可不念哉。

孟子之詩。二五之疇同。一義也。

至誠無息者。大德之敦化。萬物各得其所者。小德之

川流。

一本萬殊。殊與本不可分。而為三。

朱子曰。聖人作易。因陰陽之實體。為卦爻之法象。此

見作易之本義。

天地設位。而五行乎其中。天之生生不已也。成性存

存。道義之門。理之生生不已也。

知禮皆性也。人能知崇如天。禮卑如地。便是成性存

存。而道義自此出也。人之知不能如天之高。禮不

能如地之卑。是壞其性。而不存。道義何自而出哉。

反此。則成性存存。而道義出矣。

只知崇禮卑。便是成性存存。

知崇禮卑。成性存存。應天地設位。道義之門。應易在

其中矣。

博文知崇也約禮禮卑也

中庸之道問學致廣大盡精微極高明溫故知新皆
易知崇之事尊德性道中庸敦厚崇禮皆易禮卑
之事

天者陽氣之實體地者陰形之實體
成性即天地存存即設位道義之門即易行乎其中
夫子之德溫良屬仁儉屬義恭讓屬禮
近世易書詩春秋四書傳註之外世儒纂集諸家之
說附釋其後雖時有發明其實大繁複汗漫而學
者終不能遍觀而盡讀反於正經本旨日至蔽隔

支離先儒燭籠之譬正如此
道之不明科舉之學害之也

四書集註章句之外倪氏集釋最為精簡其他割裂
舊說附會已意但欲起學者之觀聽圖已名之不
朽駁雜浩穰害理尤甚

自朱子沒而道之所寄不越乎言語文辭之間能因
文辭而得朱子之心學者許魯齋一人而已
雲而雨者自無而有雨而晴者自有而無雷霆風露
之類亦然

太極中無所不有分而為陰陽五行男女萬物無所

不在

元亨利貞文王之言也其理無窮

聖賢之書垂訓萬世本欲開明天理使人反求諸身

心而得其實自朱子沒士子誦習其說者率多以

為出身干祿之階梯而不知反己以求其實聖賢

垂訓之意果安在乎

寒暑往來有一定之節萬物生育有一定之形人倫

綱常有二一定之理是皆太極為之主窮天地亘古

今而不易者也

新竹有露者津液上行結而為露也如人髮中有汗

然曹縣分司俚觀新竹記此野天無入事無不

因觀鳥鳥哺其雛仁心藹然可見

天地分明一火父母生出無限小父母來

知道則自簡

漢高祖取天下大抵能用群策如下陳留用鄴生之

策還軍霸上攻堯關用樊噲張良之策從漢中東

兵用韓信之策守滎陽成臯又用鄴生之策捐金

間楚用陳平之策封韓信齊王追項羽垓下以地

封韓彭英布使自為戰又用良平之策及天下已

定徙都關中用劉敬之策悉收群策而用其長此

續書卷八

五

日

所以破秦滅楚不五載而成帝業
枚乘曰故人無聞莫若多言故人無知莫若多為又
曰積德累行不知其善有時而用棄義背理不知
其惡有時而亡此皆名言也
朱子曰其心明乎正理而無蔽然後其信平正通達
而無病此知言所以能知人也
天地萬物皆一理也天地萬物各有其一分分殊也
通書一誠字括盡
通書與太極圖表裏
只一復卦多少義理天道人事無不備人

讀易在識時勢
存心不失為中應事不差為和
中也者至德也和也者要道也
地泥城隍墻皆土也孝慈恤愛惻怛皆仁也理一分
殊於此亦可見
親親而仁民仁民而愛物其理一為仁分殊為義
陰陽合則魄凝魂聚而有生陰陽判則魂升為神魄
降為鬼易太傳所謂精氣為物遊魂為變故知鬼
神之情狀者正以明此書所謂徂落者亦以升降
為言耳此中庸或問來之言死生亦說不過如此

昔人訓皇為太極為中皆虛字也朱子非之謂皇為
君猶屋極之極則二字皆實矣蓋謂極居此物
之中則可使謂極為中則不可近因道出武定州
北隅觀郵亭撮頂一木居中衆木四面轉之此正
所謂極也因朱子之說而記余之所見如此
太極圖假象以顯義
無輕民事惟艱無安厥位惟危豈惟為人君當然哉
凡為人臣者亦當守此以為愛民保己之法也
周公作無逸告成王遠舉殷之三宗皆繼體守成之

君欲成王有所法也近舉太王王季文王皆周先
哲王欲成王有所嚴憚以脩其德也其意切矣
無逸書後世為人君者宜寫一通置之座右
嚴恭寅畏天命自度乃無逸一書之要
天轉正如車輪之轉蓋側轉也如八月初昏斗柄指
酉至天將明時看之則斗柄却指卯矣以是知天
一晝夜側轉一周而斗柄亦隨天翻轉指卯也
讀呂刑之書穆王不訓德而訓刑又可見當時世道
之愈下矣

書終於秦誓聖人之微意歟

幾字古，聖人已言之。至周子發明尤親切耳。
性理太全書以周子太極圖冠於篇端，默識而旁通
之，則一書之理不外是矣。非獨性理太全一書不
外乎，是以至五經四書與凡聖賢之言，又豈有出
此圖之外者哉。嗚呼！其旨深矣。
康節曰：一動一靜之間，乃天下之至妙。至妙者，蓋指
貞元間，太極也。周子曰：太極動而生陽，動極而靜，
靜而生陰，靜極復動。蓋靜極復動，即貞元起元，即
康節所謂貞元間，太極也。
程子謂中庸始言一理，中散為萬事，末復合為一理。

蓋始言一理，即天命之性也。中散為萬事，即達道
達德。九經天道人道之屬，無非天命之性。末復合
為一理，上天之載，無聲無臭，又即天命之性矣。
不論人之賢否，但見勢利，即傾慕，豈非失其本心乎。
噫！弊也久矣。
高則明博，則厚。觀之天地，可見。
凡物虛則有神，如鼓虛則響，鐘虛則鳴。心虛則靈，
日入而群動息，日出而群動作，一息一作，者其易之
謂與。
大聲不入于耳，折楊皇華則嗑然而笑，高言不上

朱子衆人之心驗之世誠然
朱子註四書明聖賢之道正欲學者務為己之學後
世皆藉此以為進身之階梯夫豈朱子註書之初
意哉
夏葛冬裘饑食渴飲朝作暮息之得其正者皆時中
也
張之極者必翕強之極者必弱興之極者必廢與之
極者必奪乃造化消息滿虛自然之理老子意欲
翕之乃固張之意欲弱之乃固強之意欲廢之乃
固興之意欲奪之乃固與之此程子所謂竊弄闔

關而為術也

太極圖只是陰陽兩端循環不已而理為之主

太極圖天地古今陰陽寒暑晝夜死生剛柔動靜無

不括盡

太極圖遠而萬古近而一息無能外者

先天圖十月純坤初爻中已有十一月復卦初爻之

根即太極圖右半陰中陽也先天圖四月純乾初

爻中已有五月姤卦初爻之根即太極圖左半陽中

陰也由是觀之先天與太極圖亦未嘗不合

靜看太極圖斯須離之亦可得也

謙者聖人之誠心。非為其所取於人而然也。老子乃曰：聖人歆上民，必以言下之歆。先民必以身後之。則是出於有意之私，而非聖人誠心之謙德矣。史記曰：季主之言深，有中於學者。古人用字最密，如冒色之冒字是也。火木陽也，生於陰，陰中有陽也。水金陰也，生於陽，陽中有陰也。心所具之理為太極，心之動靜為陰陽。忠信立身之本，惟誠無間，斷破缺。

周程張朱真儒也。四子辯佛老之非至矣。學者讀四子之書，而乃匍匐佛老之奴隸，是豈真知四子而能讀其書者哉。學者得如周程張朱之為，亦可矣。四子不好佛而學者乃好之，則是為人不求，如四子之賢而好佛，乃求過于四子也。惑之甚矣。即無極而太極觀之，冲漠無朕之中，萬象昭然已具。所謂體用一源也。即陰陽五行男女萬物觀之，而此理無所不在，所謂顯微無間也。體用一源不可分，體用為三顯微無間不可分，道器

為三

以武王之聖而不知夷齊之賢豈非命歟

只是一箇性分而為仁義禮智信散而為萬善

義者天命之性也君子行義而盡其性則天命在是

矣

所行者善則吉所行者惡則凶所謂無卜筮而知吉

凶也

中庸之理不離乎動作語默人倫之間知者鮮矣

過一分為太過不及一分為不及此中庸所以為難

也

程復心四書章圖破碎義理愈使學者生疑

程復心將太極圖中着一氣字又從而釋之曰太極

未有象數惟一氣耳乃漢儒涵三為一老莊指太

極為氣之說其失周子朱子之旨遠矣

理氣密匝匝地真無毫髮之縫隙無大無小無內無

外一以貫之

畫事親之道而得其仁畫事君之道而得其義畫夫

婦之道而得其和畫事兄之道而得其禮畫朋友

之交而得其信皆所謂下學人事上達天理也以

至畫耳目口鼻手足之道而得聰明正肅恭重之

理又皆所謂下學入事上達天理也（此處本達之）
 西銘明理一而分殊太極圖自一理二氣五行成男
 成女而化生萬物亦無性而非理一分殊也（此處本）
 父母生子耳目口鼻四肢百骸無不備人子能體其
 全而歸之斯謂之孝天之生人五常百行之理無
 不全人能以事親之心事天於天所賦之理無一
 之或失則亦天之孝子矣（此處本）
 理為萬物之一原理一也萬物各得一理分殊也
 天道無言而四時行萬物生聖人不言而四德著萬
 善全其致一也（此處本）

敦

大德敦化理一也小德川流分殊也
 氣質極難變十分用力猶有變不能盡者然亦不可
 以為難變而遂懈於用力也
 畫前之易太極中森然已具者也
 太極雖冲漠無形而兩儀四象八卦以至於六十四卦
 無窮之數已森然具於其中矣
 太極兩儀四象以至於六十四卦體用一源也自六十
 四卦以至兩儀太極顯微無間也
 余往年讀楚詞喜其華今讀楚詞喜其實蓋其盛戒
 之言亦皆切已之事也

目之逐物最為喪德故四勿以視居先

私意最難去故程子謂克己最為難事惟嘗用力者知其難

男女之欲天下之至情聖人能通其情故家道正而人倫明

欲心一動如火之熾如水之溢非用大壯之力莫能正其欲

老子曰不見可欲使心不亂其言亦可取焉

伏羲則河圖以畫卦大禹法洛書以叙疇聖人之心與天地之心分明為一

未有天地萬物而天地萬物之理已具于冲漠無朕

之中未有兩儀四象个卦而兩儀四象个卦之理已具于太極之內乃所謂體用一源也

即樹根觀之須思未有根之先而冲漠無朕之中而樹根之理已具逮夫氣機一動資始資生而理亦隨之樹之根由是生焉

太極圖理一而分殊

觀春草從地迸出無絲毫之空隙則道莫能皴可知天地萬物體皆虛而理則實

四時温煥寒涼之氣人體無不覺者則人與天地同

體可知

程子曰：理無形也，故假象以顯義，非特易為然，太極

圖亦是已

無窮盡，無方體，太極是也。

理本無名字，字之曰太極。

有高才能文章，坐此而取敗者多矣，如禰衡、孔融之

徒，是也，非特古為然，今亦有之，可不戒哉！

太極圖水火木金土五箇，小圈子即五行各具一太

極也，其下一小圈子乃理氣妙合而無間也，又下

一太圈子乃氣化生出男女牝牡鳩鵲而各具一

教

太極也，又最下，一圈子乃男女已生之後，形交氣

感，形化萬物而各具一太極也。

太極散化者中也，性也，一也，小德，川流者和也，情也。

貫也。

讀太極圖說，句句體貼向身上看，自有無窮之味。

以太極圖反求之身心動靜之間，無一不合。

天地陰陽古今萬物始終生死之理，太極圖盡之。

良心開而天理明，猶山徑之蹊，間介然用之而成路。

良心蔽而天理暗，猶為間不用而茅塞之也。

自子至于陽氣方息，而伸者神之迹，自午至于陰氣

方消而屈者鬼之迹也

中是性情恰好的道理以其平常而不可易故又謂之庸非中之外別有所謂庸也

中之理所包甚大存於心而不偏不倚發於情而無過不及以其可以常行不可易故又謂之庸

子在川上曰逝者如斯夫不舍晝夜即中庸之至誠無息也

天下之獄自古不得其平者多矣堂刑者可不擇其人乎

偶過長清知已下獄事不得其平重有感于心而

知天下之獄不得其平者多矣正統四年十一月

十九日荏平燈下書上兩節

人臣巧文以避罪非忠也

雨露雪霜只是天地之氣凝結而成者如人之呵氣

遇冷成冰結鬚其理可見

春秋之時諸侯擅相征伐會盟而不知有天子之命非義甚矣

禮樂征伐不出于天子春秋所由作

事物當然之理如父子之仁之類是也所以當然之故乃仁義禮智所自來在字為元亨利貞是也

春秋書夫人姜氏會齊侯于禚夫人姜氏會齊侯于
祝丘夫人姜氏如齊師夫人姜氏會齊侯于穀所
謂直書其事而其義自見也

春秋書法意在言外

春秋辭雖謹嚴而意實忠厚

春秋直書其事使文思而得之

諸儒解經多入外意惟朱子只主本義而無泛論

春秋人抵多微辭

聖人作春秋其微意真非數千載之下所能窺測若
款句句字字盡釋其義竊恐不能無穿鑿之弊

讀春秋大義可見者尊君父討亂賊內中國外夷狄
貴王賤霸而已

莊子曰道者萬物之所由也庶物失之者死得之者
生為事逆之則敗順之則成故道之所在聖人尊
之此言近正

安其內不求于外見其大而累於小正統五年正月
十八日分司慶得此語因記之

小人不可與盡言

道以善不可則止其知幾乎

待小人嚴而和所謂不惡而嚴也

分外之事一毫不可與

易大象皆以義理言

天何言哉吾無隱乎爾與曾點高志之意皆天理流

行之妙

言要緩行要徐手要恭立要端以至作事有節皆不

暴其氣之事

約其情使合于中亦養氣之事也

怒至於過喜至於流皆暴其氣也

資始資生固乾元之氣而其理則太極也

風霆雨露之氣所以成物者皆太極之所為也

太氣發生一切有形之物而太極為之主

以鼻息觀之呼感得吸來吸感得呼來

暑為感感得寒來則寒為應寒復為感感得暑來則

暑為應應又為感感又為應于是見感應之無端

感應之理于太極圖陰陽互根見之

木津聞一善言見一善行沛然莫之能禦即感而遂

通天下之故也

感自外來應由中出

天地寒暑人生盛衰其密移之機無毫髮之間斷

謀利計功乃人欲之私學者之通患也

大而人倫小而言動皆理之當然纔有有為之心雖
所行合理亦是人故

王伯之分正在不謀利計功與謀利計功之分
學者自幼便為謀利計功而學宜其不足以入堯舜
之道

絕謀利計功之念其心超然無係

萬化交則通不交則隔礙而不能成化功

太極圖如水一源流而為千支萬派却都只是源中
水也

二十四卦只是一奇一偶但因所遇之時所居之位

不同故有無窮之事變如人只是一動一靜但因

時位不同故有無窮之道理此所以為易也

因小生對白便知有陰陽

太極只是性

太極是性之表德

宋文帝子劭平盡事覺不能斷以太義誅之卒有合

殿之變正所謂為人君父不通春秋之義者必蒙

首惡之名

聖賢著書立言句句明理非款言詞之富麗也

易橫圖一而二二而四四而八八而十六十六而三

十二、三十二、而六十四。太極圖則一理二氣五行男女遂至于化生萬物。雖所推有詳畧之不同其為理氣則一而已矣。

太極圖上，一圈純以理言，而其下餘圈則兼以氣言。然上一圈即在下，餘圈之中所謂精粗本末無彼此也。

人熟寐而有知覺，正如純坤卦下，一爻中有陽動之幾也。其理妙矣。

如王莽之徒竊人之國，皆列先王之事以文其奸。即莊子所謂儒以詩禮發塚者歟。

鳶飛魚躍，即取之左右逢其原之意。言道無所不在也。

鳶而必戾于天，魚而必躍于淵，父必慈，子必孝，君必仁，臣必敬，兄必愛，弟必恭，夫必義，婦必從，以至四體百骸之有其則，昆蟲草木之若其性，陰陽日月風霆雨露之各以其時，皆鳶飛魚躍之音，所謂活潑潑地也。

物之觸目觸耳者，皆活潑潑地之理。風動林木，即鳶飛魚躍之音。屈以感伸，伸為應，伸又感屈，屈為應，屈又感伸，伸又

感屈屈伸感應如循環之無端
 二程之名言朱子采入四書集註或問中者多矣求
 二夫子之心者當于此觀之
 身在堂上方能辨堂下人曲直故有知言之明方可
 以折衷群言不然去取必失其當
 讀書講明道義求日用之實理也若讀書而不講明
 道義則溺心于文字之間終不能知實理之所在
 明德新民止于至善下文即繼之以知止而後定靜
 安慮得以見明德新民之止于至善皆由知止定
 靜安慮而後得止于至善也

男女氣化之太極與萬物形化之太極一也
 氣化言男女而萬物在其中形化言萬物而男女在
 其中乎文也
 且是血氣之物靈于他物
 飛潛動之物靈于植物而人又動物中之尤靈者也
 搖扇有風見天地間無處無氣
 人雖各是一體其實與天地萬物渾融相合無一毫
 之間
 蕩滌胸中無一毫之私累可以言大矣
 應事纔應即休不可須臾留滯為心累

和從中上流出來中是和之源頭一而二二而一者

也

庸即中和之理平常而不可易者非中和之外別有

所謂庸也

涵養本原，是尊德性之事，思索義理，是道問學之事

中和不可須臾離，蓋靜而不存，則有不中，動而不察

則有不和，此中和所以不可須臾離也

人之學道，由經而入，窮經有得，則道不在經者，可默

識矣

學須有覺，方得總會處

朱子論造化之精約，莫過于太極圖解

水能鑑物，故智屬之；金能斷物，故義屬之；木有生意

故仁屬之；火則文明，故禮屬之；土則質實，故信屬

之

屋極壯極，為有形之極；太極乃無形之極也，故曰太

極，本無極。皇極之極，以物之在中而言，如屋極壯

極之義，若即訓極為中，則非矣

莊子曰：至人之心，若鏡，不將不迎，應而不藏。程子

所謂形容道體之言，此類是也



人日用求太極，只中正仁義便是此理。然仁義中正

是各具之太極五性未發乃統體之太極也
 五經四書小註不勝其繁讀者誠有文滅質博溺心
 之患
 悲有過人之識而欲纂集群言以折衷聖賢之經旨
 多見其不知量也
 鐵中生火陽生于陰也
 就天地萬物中各具一理者各具之太極也合天地
 萬物為一理者統體之太極也
 天地間理無空缺處人終日在太極中而不知也
 忠信積久可孚于人不然則言出而人弗信矣

輕言戲謹最害事蓋言不長發則言出而人信之苟
 輕言戲謹後雖有誠實之言人亦弗之信矣
 一失人則人皆莫之與孤立而無助矣
 輕諾則寡信易曰脩辭立其誠故慎言乃進脩之要

余所採之語





Faint vertical text in seal script, possibly bleed-through from the reverse side of the page.

Left page of the manuscript, mostly blank with some texture and minor stains.

